

**LUTRIJA BOSNE I HERCEGOVINE d.o.o.**  
**UPRAVNI ODBOR**

Na osnovu člana 16. Zakona o igrama na sreću („Sl.novine FBiH“, broj:1/02. i 40/10.) i člana 13. Statuta Lutrije Bosne i Hercegovine d.o.o. Sarajevo („Sl.novine FBiH“, broj:43/03.) Upravni odbor Lutrije Bosne i Hercegovine, na sjednici održanoj dana 04.09.2012. godine, d o n i o je

**P R A V I L A**  
**I G R E N A S R E Ć U B I N G O P L U S**

**I. OSNOVNE ODREDBE**

**Član 1.**

Ovim se Pravilima propisuju uslovi za priređivanje dodatne igre Bingo plus u igri na sreću TV Bingo 15 od 90.

**Član 2.**

Igra na sreću Bingo plus (dalje:Bingo plus) je brojčana igra s izvlačenjem dobitnog šesterocifrenog broja putem naprave (bubnja), u kojoj se unaprijed utvrđuje visina fonda dobitaka i njegova raspodjela.

**Član 3.**

Za obveze prema igračima, priređivač odgovara svim svojim sredstvima, ako su ispunjeni uslovi utvrđeni ovim Pravilima.

**Član 4.**

Ova Pravila jesu isključiva zakonska i pravna osnova za zaključivanje ugovora o učešću u igri Bingo plus.

Ugovor iz stava 1. zaključuje se između Lutrije BiH (dalje: priređivač) i učesnika (dalje: igrač) na osnovu prihvatanja opštih uslova propisanih i sadržanih u ovim Pravilima, po slobodno izraženoj volji igrača, uplatom igre TV Bingo 15 od 90 i igre Bingo plus.

Obavezno je uplata Bingo plus broja otisnutog na pomoćnom listiću. Igrač ima mogućnost uplate još jednog ili dva Bingo plus broja odabrana putem quick picka po slobodnoj volji.

Ukoliko igrač znakom „X“ ne obilježi ni jedan od brojeva (2,3) pored riječi Bingo plus, učestvuje u igri Bingo plus sa jednim brojem i to onim koji je otisnut pored riječi Bingo plus.

Ukoliko igrač znakom „X“ obilježi broj 2 pored riječi Bingo plus, učestvuje u igri Bingo plus sa dva broja: prvim brojem koji je otisnut pored riječi Bingo plus i drugim brojem kojeg generiše softver slučajnim odabirom (quick pick).

Ukoliko igrač znakom „X“ obilježi broj 3 pored riječi Bingo plus, učestvuje u igri Bingo plus sa tri broja: prvim brojem koji je otisnut pored riječi Bingo plus, te drugim i trećim brojem koje generiše softver slučajnim odabirom (quick pick).

Igrač može i usmeno od prodavača zahtijevati da uplati quick pick Bingo plus brojeve.

Ukoliko igrač koristi pomoćni listić za uplatu igre na sreću TV Tombola Bingo na kojem nije odštampan pored broja Bingo plus polje sa brojevima dva ili tri ( za uplatu quick pick), igrač može usmenim putem zahtijevati quick pick uslugu.

Odredba iz prethodnog stava ovog člana se primjenjuje sve dok se ne iskoriste zalihe 37., 38. i 39. serije redovnog kola i zalihe 506. serije vanrednog kola pomoćnih listića igre na sreću TV Tombola Bingo 15 od 90.

Ova Pravila (opšti uslovi) obvezuju ugovorne strane.

### **Član 5.**

Igračem u igri Bingo plus smatra se lice koje je sa priređivačem zaključilo ugovor iz čl. 4. ovih Pravila, uz dokaz da posjeduje potvrdu o uplati (dalje: potvrda), pod uslovom da je njen sadržaj zapisan na neizbrisivi optički disk, prije izvlačenja brojeva dobitne kombinacije igre TV Bingo 15 od 90 i igre Bingo plus, te da su ispisi na potvrdi i zapis na optičkom disku istovjetni.

### **Član 6.**

Ovim članom priređivač utvrđuje slijedeće obavezne elemente Pravila igre Bingo plus:

1. osnovne odredbe;
2. naziv, opis i vrijeme trajanja igre;
3. uslovi za učešće u igri;
4. područje na kojem se priređuje igra;
5. pojedinačnu cijenu igre;
6. krajnji rok uplate za učešće u igri;
7. ukupnu vrijednost uplate pojedinog kola igre;
8. opis uplatnog listića igre i opis potvrde za učešće u igri;
9. visinu fonda i vrste dobitaka pojedinog kola igre;
10. način, postupak i nadzor izvlačenja odnosno utvrđivanje dobitaka;
11. način objavljivanja iznosa fonda dobitaka i rezultata igre;
12. način i rok isplate dobitaka;
13. način upoznavanja učesnika u igri s ovim Pravilima;
14. postupak u slučaju otkazivanja izvlačenja;
15. prijelazne i završne odredbe.

## **II. NAZIV, OPIS I VRIJEME TRAJANJA IGRE**

### **Član 7.**

U igri Bingo plus pogađa se dobitni šesterocifreni broj pod nazivom "Bingo plus broj", koji se dobiva izvlačenjem uz pomoć šest bubnjeva na način da se u svakom bubnju nalaze brojevi od 0 do 9.

## **Član 8.**

Igra Bingo plus priređuje se trajno po kolima, kao dodatna igra uz igru TV Bingo 15 od 90, u pravilu jednom sedmično, petkom.

## **Član 9.**

Izvlačenje brojeva za igru Bingo plus obavlja na način da Bingo plus broj čini šest izvučenih brojeva iz šest bubnjeva, a gledajući s lijeva na desno, pri čemu:

- prvi izvučeni broj predstavlja stotohiljaditu Bingo plus broja;
- drugi izvučeni broj predstavlja desethiljaditu Bingo plus broja;
- treći izvučeni broj predstavlja hiljadu Bingo plus broja;
- četvrti izvučeni broj predstavlja stoticu Bingo plus broja;
- peti izvučeni broj predstavlja desetice Bingo plus broja;
- šesti izvučeni broj predstavlja jedinicu Bingo plus broja.

## **III. USLOVI ZA UČEŠĆE U IGRI BINGO PLUS**

### **Član 10.**

Igrač obavezno uplaćuje na listiću odštampan Bingo plus istovremeno kada igra Bingo 15 od 90. Igrač može neobavezno po slobodnoj volji uplatiti još jedan, ili dva broja Bingo plus.

### **Član 11.**

U igri Bingo plus učestvuju potvrde o uplati igre TV Bingo 15 od 90, uplaćene za važeće kolo (u skladu sa Pravilima igre TV Bingo 15 od 90), pod uslovom da ista sadrži odštampana jedan, dva, ili tri Bingo plus broja. Nakon uplate igrač je obavezan provjeriti sadržaj potvrde.

### **Član 12.**

Pored ostalih uslova za sudjelovanje u igri Bingo plus, pored odredbi iz člana 10. i 11. ovih Pravila, u svemu važe odgovarajuće odredbe Pravila igre TV Bingo 15 od 90.

## **IV. PODRUČJE NA KOJEM SE PRIREĐUJE BINGO PLUS**

### **Član 13.**

Igra Bingo plus priređuje se na teritoriji Federacije BiH.

## **V. POJEDINAČNA CIJENA IGRE**

### **Član 14.**

Cijena za učešće u igri Bingo plus iznosi 0,50 KM po svakom odigranom Bingo plus broju.

## **VI. KRAJNI ROK UPLATE ZA UČEŠĆE U IGRI**

### **Član 15.**

Uplate za sudjelovanje u igri Bingo plus primaju se do roka određenog u Pravilima igre TV Bingo 15 od 90.

O krajnjem roku za primanje uplate priređivač je dužan upoznati igrače isticanjem obavijesti na svim prodajnim mjestima.

## **VII. UKUPNA VRIJEDNOST UPLATE POJEDINOG KOLA IGRE BINGO PLUS**

### **Član 16.**

Uplatu pojedinog kola igre Bingo plus čini iznos primljenih uplata za učešće u igri Bingo plus, u pripadajućem kolu igre TV Bingo 15 od 90.

## **VIII. OPIS POTVRDE O UPLATI ZA UČEŠĆE U IGRI**

### **Član 17.**

Pomoćni listić i potvrda o uplati za učešće u igri Bingo plus u svemu su istovjetni opisima pomoćnog listića i potvrde iz Pravila igre TV Bingo 15 od 90 (član 17. i 18.).

## **IX. VISINA FONDA I VRSTE DOBITAKA**

### **Član 18.**

Fond dobitaka u igri Bingo plus utvrđuje se na osnovu vrijednosti uplate za učešće u pojedinom kolu, u skladu sa članom 16. ovih Pravila.

Fond dobitaka u igri Bingo plus iznosi 60 % od ukupne uplate tekućeg kola, iz stava 1, ovog člana.

### **Član 19.**

U igri Bingo plus postoji (6) šest vrsta dobitaka koji se ostvaruju u slučaju da je pogođeno 1 ; 2 ; 3 ; 4 ; 5 ; i 6 brojeva gledajući s desna na lijevo.

Ako u pojedinom kolu igre Binga plus nema dobitaka sa 6 pogođenih brojeva, onda se fond za tu vrstu dobitka prenosi u Jackpot Binga plus.

Ako u pojedinom kolu igre BIngO plus nema dobitaka sa 5 pogođenih brojeva, fond za tu vrstu dobitka se djeli u omjeru 50:50 na dobitke sa 3 i 4 pogođena broja.

U slučaju da nemamo dobitak sa 4 pogođena broja, fond od ove vrste dobitka se prenosi u fond dobitka sa 3 pogođena broja.

Ukoliko u jednom kolu nisu ostvarni dobici sa 3; 4; i 5; pogođenih brojeva kompletan iznos fonda za te vrste dobitaka se prenosi u dobitak Jackpot Binga plus.

Vrste dobitaka su:

- BINGO PLUS 1

Uplaćene potvrde za učešće u igri Bingo plus čiji je posljednji jedan broj ( broj na jediničnom mjestu) identičan sa brojem na jediničnom mjestu izvučenog Bingo plus broja (pogođen jedan broj izvučenog Bingo plus broja gledajući s desna na lijevo) ostvaruju dobitak u fiksnom iznosu od 1,00 KM.

- BINGO PLUS 2

Uplaćene potvrde za učešće u igri Bingo plus čija su posljednja dva broja ( broj na jediničnom i mjestu desetice) identični sa brojevima na jediničnom mjestu i mjestu desetice izvučenog Bingo plus broja (pogođena dva broja izvučenog Bingo plus broja gledajući s desna na lijevo) ostvaruju dobitak u fiksnom iznosu od 4,00 KM.

Nakon utvrđenog broja fiksnih dobitaka sa jedan i dva pogođena broja i iznosa sredstava za njihovu isplatu, koji se oduzima od fonda dobitaka utvrđenog prema članu 18.ovih pravila, ostatak fonda se dijeli na preostale, varijabilne dobitke, u procentima i to:

- BINGO PLUS 3

Sve uplaćene potvrde za učešće i igri Bingo plus čija su posljednja tri (3) broja (broj na jediničnom mjestu, mjestu desetice i mjestu stotice) identični sa brojevima na jediničnom mjestu, mjestu desetice i stotice izvučenog Bingo plus broja (pogođena tri broja izvučenog Bingo plus broja gledajući s desna na lijevo) ravnopavno učestvuju u podjeli iznosa u visini od 40% od vrijednosti fonda za varijabilne dobitke utvrđene na način u stavu 6. ovog člana.

- BINGO PLUS 4

Sve uplaćene potvrde za učešće u igri Bingo plus čija su posljednja četiri (4) broja ( broj na jediničnom mjestu, mjestu desetice, stotice i mjestu hiljade) identični sa brojevima na jediničnom mjestu, mjestu desetice, stotice i hiljade izvučenog Bingo plus broja (pogođena četiri broja izvučenog Bingo plus broja gledajući s desna na lijevo) ravnopavno učestvuju u podjeli iznosa u visini od 27% od vrijednosti fonda za varijabilne dobitke utvrđene na način u stavu 6. ovog člana.

- BINGO PLUS 5

Sve uplaćene potvrde za učešće u igri Bingo plus čijih su posljednjih pet (5) brojeva (broj na jediničnom mjestu, mjestu desetice, stotice, hiljade i mjestu desethiljadite ) identični sa posljednjih pet brojeva izvučenog Bingo plus broja (pogođeno pet brojeva izvučenog Bingo plus broja gledajući s desna na lijevo) ravnopravno učestvuju u podjeli iznosa u visini od 8% od vrijednosti fonda za varijabilne dobitke utvrđene na način u stavu 6. ovog člana.

- BINGO PLUS 6 (Jack pot)

Sve uplaćene potvrde za učešće u igri Bingo plus čijih su svih šest (6) brojeva (broj na jediničnom mjestu, mjestu desetice, stotice, hiljade i mjestu desethiljadite i stohiljadite ) identični sa brojevima izvučenog Bingo plus broja (pogođeno svih šest brojeva izvučenog Bingo plus broja gledajući s desna na lijevo) ravnopravno učestvuju u podjeli iznosa u visini od 25% od vrijednosti fonda za varijabilne dobitke

utvrđene na način u stavu 6. ovog člana, uvećanom za vrijednost akumuliranog jack pota.

#### **Član 20.**

Iznos pojedinačnog dobitka utvrđuje se tako da se fond dobitaka namijenjen za taj dobitak podijeli ukupnim brojem ostvarenih dobitaka. Na svakom od uplaćenih brojeva može se ostvariti dobitak Bingo plus broj. Dobitak više vrste isključuje dobitak niže vrste za svaki pojedinačno uplaćeni Bingo plus broj.

#### **Član 21.**

Priredivač može posebnom odlukom Generalnog direktora garantovati iznos Jack pota u igri Bingo plus (Jack pot).

#### **Član 22.**

Priredivač može Posebnom odlukom Generalnog direktora odlučiti da se Jack pot bezuslovno podijeli u jednom kolu.

O svojoj odluci Priredivač je dužan obavijestiti igrače prije početka odigravanja kola u kojem će jack pot bit podijeljen.

### **X. NAČIN, POSTUPAK I NADZOR IZVLAČENJA ODNOSNO UTVRĐIVANJA DOBITAKA**

#### **Izvlačenje dobitaka**

#### **Član 23.**

Javno izvlačenje dobitnog Bingo plus broja u igri Bingo plus nadzirat će komisija koja prati regularnost izvlačenja brojeva igre na sreću TV Bingo 15 od 90. Komisija se sastoji od tri člana od kojih je jedan član predstavnik Ministarstva finansija Federacije Bosne i Hercegovine.

Tehnikom izvlačenja brojeva rukuje ovlaštena osoba priredivača, na osnovu Uputstva generalnog direktora.

#### **Član 24.**

U toku izvlačenja dobitaka iz člana 23 ovih Pravila vodi se zapisnik kojeg svi članovi Komisije potpisuju. Zapisnik mora sadržavati: mjesto, vrijeme, način izvlačenja dobitaka, uplatu u tom kolu, izvučeni dobitni Bingo plus broj. Zapisnik o izvlačenju priredivač dostavlja Ministarstvu finansija.

## **Utvrđivanje dobitaka**

### **Član 25.**

Dobitak, odnosno dobitke, utvrđuje priređivač, a potvrđuje Komisija za utvrđivanje dobitaka u sastavu od najmanje tri člana. Članove Komisije imenuje priređivač.

Komisija je dužna zapis na optičkom disku deponovati u trezor prije početka izvlačenja.

### **Član 26.**

Komisija za utvrđivanje dobitaka o svom radu sačinjava zapisnik, čiji je način rada reguliran posebnim uputstvom.

## **XI. NAČIN OBJAVLJIVANJA IZNOSA FONDA DOBITAKA I REZULTATA IGRE (UTVRĐIVANJA DOBITAKA)**

### **Član 27.**

Izveštaj o iznosu fonda dobitaka pojedinog kola igre Bingo plus objavljuje se prije početka samog izvlačenja.

Nezvaničan izveštaj o rezultatima igre pojedinog kola igre Bingo plus objavljuje se nakon javnog izvlačenja.

### **Član 28.**

Privremeni izvještaj sadrži najmanje ove podatke:

- redni broj kola;
- datum izvlačenja;
- izvučene brojeve po redoslijedu izvlačenja (Bingo plus broj);
- broj dobitaka i iznos dobitaka po vrstama;
- uplatni broj potvrde ostvarenog dobitka Bingo plus (6 pogodaka);
- iznos primljene uplate;
- nagradni fond;
- iznos fonda određen za pojedine vrste dobitaka;
- rok za prigovore;
- ostala obavještenja koja su potrebna učesnicima u igri.

### **Član 29.**

Konačni izvještaj sadrži najmanje ove podatke:

- redni broj kola i datum izvlačenja;
- iznos uplate i fond dobitaka;
- broj i iznos dobitaka;
- rok zastare isplate dobitka;
- uplatne brojeve potvrda opravdanih i neopravdanih prigovora;
- ispravke eventualnih greški predhodnog kola.

Konačni izvještaj potpisuje generalni direktor priređivača.  
Privremeni i konačni izvještaj objavljuju se u jednom od sredstava javnog informisanja.

## **XII. NAČIN I ROK ISPLATE DOBITAKA**

### **Način isplate**

#### **Član 30.**

Isplate dobitaka sa dva, tri, četiri i pet pogođenih brojeva Bingo plus isplaćuju se u svim prodajnim mjestima priređivača. Dobitak Bingo plus 6 (Jack pot) isplaćuje se u sjedištu priređivača u Sarajevu, ulica Mehmeda Spahe broj 11. Priređivač može svojom odlukom promijeniti mjesto isplate dobitaka.

#### **Član 31.**

Pri isplati dobitka igrač je dužan predati potvrdu.  
Dobitna potvrda je ona za koju se provjerom putem on-line sistema utvrdi da je dobitna.

Uz predaju potvrde, dobitnik je dužan predati na uvid svoju ličnu kartu, ukoliko dobitak oporeziv po važećem zakonu.

### **Rok isplate**

#### **Član 32.**

Isplate dobitaka Bingo plus 5, Bingo plus 4, Bingo plus 3, Bingo plus 2 i Bingo plus 1 vrši se u pravilu dan nakon javnog izvlačenja.

Isplate dobitaka Bingo plus 6 vrši se u roku od deset dana od dana javnog izvlačenja.

Isplata dobitaka zastarijeva u roku od 30 dana od dana objavljivanja konačnog izvještaja.

#### **Član 33.**

U slučaju da dobitnik na jednoj potvrdi, ostvari dobitak u igri TV Bingo 15 od 90, Bingo joker i dobitak u igri Bingo plus, dobitke će potraživati i podizati istovremeno.

### **Neisplaćeni dobici**

#### **Član 34.**

Nakon isteka roka iz člana 32. ovih Pravila, neisplaćeni dobici prenose se u fond neisplaćenih dobitaka.



### **XIII. NAČIN UPOZNAVANJA IGRAČA U IGRI S OVIM PRAVILIMA**

#### **Član 35.**

Ova Pravila nalaze se na svim prodajnim mjestima priređivača i web stranici priređivača.

Priređivač je dužan omogućiti igračima upoznavanje s ovim Pravilima, odnosno dati ih na uvid.

### **XIV. POSTUPAK U SLUČAJU OTKAZIVANJA IZVLAČENJA**

#### **Član 36.**

Priređivač može iz opravdanih razloga otkazati zakazano izvlačenje.

U slučaju da se otkaže zakazano izvlačenje, izvlačenje će se obaviti u skladu sa Pravilima TV Tombole Bingo 15 od 90.

### **XV. PRIJELAZNE I ZAVRŠNE ODREDBE**

#### **Član 37.**

Priređivač je dužan čuvati zapise potvrda na neizbrisivom optičkom disku najmanje dvije godine računajući od dana održanog izvlačenja određenog kola, osim u slučaju kada je pokrenut sudski spor radi ostvarivanja prava iz učešća u igri BINGO PLUS te se tada zapisnici čuvaju do pravosnažnosti sudske odluke.

#### **Član 38.**

Za rješavanje sporova koji proisteknu iz učestvovanja u igri Bingo plus, mjesno i stvarno je nadležan Općinski sud u Sarajevu.

#### **Član 39.**

Ova Pravila stupaju na snagu narednog dana od dana objavljivanja u jednom od sredstava javnog informisanja.

#### **Član 40.**

Stupanjem na snagu ovih Pravila, prestaju da važe Pravila igre na sreću Bingo plus broj: 01-VS-1243-1-MS/12. od 24.07.2012.godine.

**P R E D S J E D N I C A**

Br. 01-6-1426-8-2-MM/12.  
Dana: 04.09.2012. godine

**Ivana Bunoza, s.r.**

